



**Ana María Cacharrón Castelos, secretaria xeral do Concello de Bergondo (A Coruña)**

**CERTIFICO:** Que, con data xoves 11 de xullo de 2024, a xunta de goberno local, en sesión extraordinaria, adoptou, entre outros, o acordo que de seguido se transcribe literalmente:

## «6. APROBACIÓN DO EXPEDIENTE DE CONTRATACIÓN DA OBRA DE ACCESO ÁREA RECREATIVA DE LUBRE (CONCELLO DE BERGONDO)

### EXPEDIENTE. 2023/C003/000021

A continuación dáselles conta aos/ás asistentes do expediente referente a este asunto, no que consta, entre outros, a proposta de Alcaldía, que transcrita literalmente di:

«Vista a Memoria valorada da obra de Mellora de acceso á área recreativa de Lubre, que asina o enxeñeiro de camiños, canles e portos, Fernando Costa González, colexiado núm. 29.127, en setembro de 2023, cun orzamento de execución por contrata de 44.057,66 euros, ive incluído.

Vista a necesidade de acometer a citada obra, xa que o pavimentado de camiños atópase entre os servizos obrigatorios que debe prestar o concello ao abeiro do artigos 26.1.a) da Lei 7/1985, de 2 de abril, reguladora das bases do réxime local, na redacción dada pola Lei 27/2013, de 27 de decembro, de racionalización e sustentabilidade da Administración Local, o que se xustifica a necesidade deste contrato, consonte co establecido no artigo 116.4.e) da LCSP e segundo se indica no informe ao proxecto, apartado 11, sobre a xustificación da necesidade e idoneidade, asinado polo arquitecto municipal o 05.10.2023.

Constando no expediente o prego de cláusulas administrativas particulares que rexerán esta contratación informado favorablemente por secretaria. Visto o informe do arquitecto técnico municipal do 5 de outubro de 2023. Vistos os informes de secretaria e de intervención emitidos en xullo de 2024.

Constando tódolos documentos preceptivos, e considerando que a competencia para contratar é da Xunta de Goberno Local por delegación da Alcaldía-Presidencia, efectuada por Resolución nº 744/2023, do 21.06.2023 (BOP núm. 124 do 30.06.2023), toda vez que a competencia orixinaria corresponde a esta alcaldía, conforme ao preceptuado na Disposición adicional da LCSP, unha vez examinado o expediente, **proponho á Xunta de Goberno Local** a adopción do seguinte acordo:

**Primeiro.** Declarar o expediente de contratación ordinario e, consonte co artigo 117 da LCSP, aprobar o contido íntegro do expediente de contratación da obra de «Mellora de acceso á área recreativa de Lubre», cun orzamento de execución por contrata de 44.057,66 euros, con ive, expediente 2023/C003/000021.

**Segundo.** Declarar o procedemento aberto supersimplificado, ao abeiro do artigo 159.6 da LCSP, dado que o seu valor estimado é de 36.411,29 euros, con pluralidade de criterios de adxudicación, mediante fórmulas, de conformidade co artigo 131.2 da LCSP.

**Terceiro.** Aprobar o Prego de Cláusulas Administrativas Particulares que haberán de rexer para esta contratación mediante procedemento aberto supersimplificado, ao abeiro do artigo 159.6 da LCSP, con pluralidade de criterios de adxudicación, mediante fórmulas, e tramitación ordinaria, aprobar o Cadro de características do contrato, o modelo de oferta e declarar expresamente de aplicación a fórmula matemática de



## CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

valoración de ofertas económicas da Deputación Provincial de A Coruña (publicada no BOP núm. 42, do 4 de marzo de 2021, páxinas 37-40)

**Cuarto.** Autorizar o gasto por importe de 44.057,66 euros, con iva incluído, con cargo a aplicación orzamentaria 171/619.01 do Orzamento municipal do 2024.

**Quinto.** Dispoñer a apertura da fase de licitación, segundo o procedemento establecido nos propios pregos, procedendo á publicación do anuncio de licitación no perfil do contratante.

A presente resolución publicarase no perfil do contratante do Concello de Bergondo, consonte co esixido no artigo 63.3 da LCSP.

En Bergondo, 10 de xullo de 2024

A alcaldesa. Alejandra Pérez Máquez»

Os/as asistentes, tras o exame do expediente, e despois da correspondente deliberación, aproban por unanimidade a proposta, que devén en acordo nos termos en que se acaba de transcribir.»

E para que conste, expido a presente certificación, coa salvidade do artigo 206 do R.d. 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, por orde e co visto e prace da alcaldesa.

Bergondo, o venres 12 de xullo de 2024

A secretaria  
Ana María Cacharrón Castelos

Vº. Prace. A alcaldesa  
Alejandra Pérez Máquez